

ELEKTRON OFERTA

“Trastbank” xususiy aksiyadorlik bankining filiali (keyingi o‘rinlarda – Bank), bir tomondan, va Bank tomonidan muomalaga chiqarilgan VISA va/yoki MasterCard bank kartasining egasi bo‘lgan hamda quyida taklif qilinayotgan shartlarni to‘laligicha va so‘zsiz qabul qilishini elektron shaklda akseptlash orqali bildirgan jismoniy shaxs (keyingi o‘rinlarda – Omonatchi), ikkinchi tomondan, quyidagilar to‘g‘risida mazkur Elektron ofertani tuzdik.

1-§. Elektron oferta predmeti

1. Omonatchi Elektron ofertani akseptlagandan so‘ng, o‘zining VISA va/yoki MasterCard bank kartasi hisobvarag‘idagi pul mablag‘ini “Trastpay” mobil-ilovasi vositasida “Onlayn-Qulay sarmoya” muddatli bank omonatiga (keyingi o‘rinlarda – oferta omonati) o‘tkazadi.

2. Bank Elektron ofertaga asosan Omonatchi tomonidan o‘tkazilgan pul mablag‘ini oferta omonatiga qabul qiladi, unga foiz hisoblaydi va muddati tugaganda uni qaytaradi hamda Omonatchining mazkur omonat hisobvarag‘ini masofadan turib boshqarishiga ruxsat beradi.

2-§. Oferta omonati shartlari

3. Oferta omonatining minimal miqdori 500 (besh yuz) AQSH dollari.

4. Oferta omonati birinchi badal kiritilgan kundan boshlab 18 oy muddatga qabul qilinadi.

5. Oferta omonatining foiz stavkasi yillik 7,5%.

6. Oferta omonatiga dastlabki 12 oy davomida qo‘shimcha badal kiritilishi mumkin.

7. Oferta omonati muddati davomida omonatning bir qismini olish ko‘zda tutilgan. Bunda omonatdagi mablag‘ qoldig‘i 500 (besh yuz) AQSH dollaridan kam bo‘lmasligi lozim.

8. Jalb qilingan oferta omonati bo‘yicha foiz stavkasi uning muddati tugagunga qadar o‘zgarmaydi.

9. Oferta omonati bo‘yicha foiz ushbu omonat Bankka qabul qilingan kunning keyingi sanasidan boshlab oferta omonatini Omonatchiga qaytariladigan kungacha hisoblanadi.

Omonatchining oferta omonati hisobvarag‘i xatlanganligi oqibatida Bank oferta omonatidagi pul mablag‘idan foydalana olmagan davr uchun foiz hisoblanmaydi.

10. Oferta omonati bo‘yicha hisoblangan foiz har oyda Omonatchining talab qilib olinguncha saqlanadigan omonat hisobvarag‘iga (20206840) avtomat tarzda o‘tkazib beriladi.

Agar omonatchi O‘zbekiston Respublikasi norezidenti bo‘lsa, uning omonati bo‘yicha to‘lanadigan foiz (daromad) qiymatidan O‘zbekiston Respublikasi Soliq kodeksining 382-moddasiga muvofiq 10% miqdorida Bank tomonidan soliq ushlab qolinadi.

11. Omonatchi oferta omonatini muddati tugamasdan to‘liq qaytarmoqchi bo‘lsa, u bu haqda Bankni omonatni olishni mo‘ljallagan sanadan kamida bir oy oldin ogohlantiradi. Bunda Elektron ofertaning amal qilishi to‘xtatiladi, oferta omonati muddatidan oldin qaytariladi va mablag‘ning omonatda haqiqatda saqlangan kuniga qarab quyidagi tartibda foiz hisoblanadi va to‘lanadi:

a) mablag‘ omonat 6 oygacha saqlangan bo‘lsa, yillik 4,5 (to‘rt yarim) foiz;

b) mablag‘ omonat 6 oydan 12 oygacha saqlangan bo‘lsa, yillik 5,5 (besh yarim) foiz;

d) mablag‘ omonat 12 oydan 18 oygacha saqlangan bo‘lsa, yillik 6,5 (olti yarim) foiz.

Bunda omonat mablag‘idan to‘langan foiz bilan hisoblangan foiz o‘rtasidagi farq ushlab qolinadi.

12. Oferta omonatining muddati tugagandan so‘ng oferta omonatidagi mablag‘, uni Omonatchining talab qilib olinguncha saqlanadigan omonat hisobvarag‘iga (20206840) avtomat tarzda o‘tkazish orqali, Omonatchiga qaytariladi.

3-§. Tomonlarning huquq va majburiyatlari

13. Omonatchining huquqlari:

a) ushbu Elektron ofertani akseptlash bo‘yicha mustaqil qaror qabul qilish;

b) mazkur Elektron oferta shartlari doirasida oferta omonatini mustaqil tasarruf etish va masofadan turib boshqarish.

14. Omonatchining majburiyatlari:

- a) ushbu Elektron oferta shartlari bilan tanishish;
- b) oferta omonati hisobvarag‘i ochish uchun Bank tomonidan muomalaga chiqarilgan VISA yoki MasterCard bank kartasi egasi bo‘lish;
- d) VISA yoki MasterCard bank kartasi hisobvarag‘ida oferta omonati ochish uchun yetarli miqdorda pul mablag‘iga ega bo‘lish;
- e) “TRUSTPAY” mobil-ilovasida oferta omonati hisobvarag‘i ochish uchun zarur barcha amaliyotlarni ketma-ketlikda amalga oshirish;
- f) oferta omonati hisobvarag‘idan amaliyotlarni amalga oshirish jarayonida “Trastpay” mobil-ilovasidagi uzilishlar yoki texnik nosozliklar haqida Bankka telefon orqali xabar berish;
- g) “Trastpay” mobil-ilovasiga kirish uchun berilgan login, parol va SHIR-kodni uchinchi shaxsga oshkor qilmaslik.

15. Bankning huquqlari:

- a) Omonatchining talabiga ko‘ra oferta omonati muddati tugamasdan qaytarilganda, oferta omonati muddati davomida ortiqcha to‘langan foiz bo‘lsa, uni oferta omonati mablag‘idan ushlab qolish;
- b) Omonatchining oferta omonati hisobvarag‘i O‘zbekiston Respublikasi qonun hujjatlarida belgilangan tartibda xatlanganda, ushbu hisobvara q orqali chiqim amaliyotlarini bajarishni to‘xtatish.

16. Bankning majburiyatlari:

- a) oferta omonati shartlarini Bankning rasmiy veb-saytiga kiritish;
- b) Elektron oferta Omonatchi tomonidan akseptlangandan so‘ng oferta omonati mablag‘ini kirim qilish hamda ushbu omonat bo‘yicha operatsiyalarni qayd etib borish maqsadida Omonatchining nomiga avtomatik tarzda tegishli hisobvaraqlarni ochish;
- d) Elektron ofertada belgilangan shartlar asosida oferta omonatiga foiz hisoblash va uni har oyda Omonatchining talab qilib olinguncha saqlanadigan omonat hisobvarag‘iga (20206840) avtomat tarzda o‘tkazib berish;
- e) Omonatchi oferta omonatini muddati tugamasdan qaytarishni talab qilganda, oferta omonatini, ushbu Elektron ofertaning 11-bandiga muvofiq, muddatidan oldin qaytarib berish;
- f) oferta omonatining muddati tugagandan so‘ng oferta omonatidagi mablag‘ni Omonatchining talab qilib olinguncha saqlanadigan omonat hisobvarag‘iga (20206840) avtomat tarzda o‘tkazish orqali Omonatchiga qaytarish;
- g) oferta omonatiga oid bank sirini tashkil etuvchi ma‘lumotlar sir saqlanishini ta‘minlash;
- h) Omonatchining oferta omonati hisobvarag‘i bo‘yicha amaliyotlar Bank tomonidan to‘xtatib qo‘yilganda, amaliyot to‘xtatilgan sanadan boshlab keyingi ish kunidan kechiktirmagan holda Omonatchiga uning oferta omonati hisobvarag‘iga xizmat ko‘rsatish to‘xtatilganligi va uning sababi yuzasidan xabarnoma yuborish;
- i) Omonatchining kredit va mikroqarz bo‘yicha qarzдорligini so‘ndirish uchun uning oferta omonati hisobvarag‘idan mablag‘ Bank tomonidan Omonatchining topshirig‘isiz hisobdan chiqarilganda, mablag‘ hisobdan chiqarilgan sanadan boshlab keyingi ish kunidan kechiktirmagan holda Omonatchiga uning oferta omonati hisobvarag‘idan qancha miqdordagi mablag‘ qanday sababga asosan va kimning foydasiga chiqarilganligini ko‘rsatgan holda xabarnoma yuborish.

5-§. Tomonlarning javobgarligi

17. Tomonlar mazkur Elektron oferta shartlarini bajarmaganligi uchun O‘zbekiston Respublikasi qonun hujjatlariga muvofiq javobgarlikka tortiladi.

6-§. Fors-major holatlar

18. Tomonlar fors-major holatlar amal qilgan davrda Elektron oferta bo‘yicha o‘z majburiyatlarining qisman yoki to‘liq bajarilmaganligi uchun javob bermaydilar.

Fors-major holatlarga quyidagilar kiradi: tabiiy hodisalar (zilzila, ko‘chki, dovul, qurg‘oqchilik va sug‘urta shartnomasida sanab o‘tilmagan boshqa tabiiy hodisalar) yoki ijtimoiy-iqtisodiy vaziyatlar (harbiy harakatlar, ish tashlashlar, qamallar, davlat tashkilotlarining hamda

davlat tashkilotlari o'rtasidagi cheklovchi va taqiqlovchi choralar, shuningdek Hukumat qarorlari va boshqalar) oqibatida kelib chiqqan favqulodda, joriy sharoitda bartaraf etib bo'lmaydigan va oldindan kutilmagan vaziyatlar, agar ushbu vaziyatlar Elektron ofertani bajarishga bevosita ta'sir ko'rsatgan bo'lsa.

Fors-major holatlar yuzaga kelganda va to'xtaganda tomonlar bir-birini xabardor qiladilar. Xabarnoma tomonlarda mavjud bo'lgan barcha aloqa vositalari orqali yuborilishi mumkin (SMS va MMS xabarlar bundan mustasno).

Fors-major holatlar yuzaga kelgan taqdirda majburiyatlarni bajarish muddatini tomonlar fors-major holatlar amal qilgan davrga mutanosib tarzda kechiktiradilar.

7-§. Boshqa shartlar

19. Omonatchi o'tkazgan pul mablag'i Bankdagi oferta omonati hisobvarag'iga naqd pulsiz ko'rinishida kelib tushgan kundan boshlab Elektron oferta tuzilgan hisoblanadi.

20. Mazkur Elektron oferta 16-bandining "h" va "i" kichik bandlarida nazarda tutilgan xabarnomalar Omonatchiga uning mobil telefoniga Telegram kanali orqali jo'natish orqali topshiriladi.

21. Bank mazkur Elektron oferta shartlariga Omonatchining huquq va qonuniy manfaatiga daxl qiladigan o'zgartirishlarni bir tomonlama kiritishga haqli emas.

22. "Banklardagi omonatlarni himoya qilish kafolatlari to'g'risida"gi O'zbekiston Respublikasi Qonuniga (2025-yil 18-fevraldagi O'RQ-1031) muvofiq jismoniy shaxslarning omonatlari kafolatlarga bo'ysunadi. Kafolatlangan hodisa yuz bergan taqdirda, omonatchi bitta bankdan qonun bilan belgilangan quyidagi miqdorlarda kompensatsiya olish huquqiga ega:

a) agar uning miqdori ikki yuz million so'm yoki undan kam bo'lsa, kafolatlangan aktivning to'liq qoldig'i;

b) kafolatlangan aktivning qoldig'i ikki yuz million so'mdan oshsa, ikki yuz million so'm.

23. Mazkur Elektron ofertada nazarda tutilmagan barcha holatlar uchun O'zbekiston Respublikasi qonun hujjatlari normalari qo'llaniladi.

24. Tomonlar barcha kelishmovchilik va nizolarni muzokara yo'li bilan hal etadi. Muzokara natijasida tomonlar o'zaro kelishuvga erisha olmagan taqdirda nizo O'zbekiston Respublikasi qonun hujjatlariga muvofiq sudda ko'rib chiqiladi.